

























MRB 2: An Tasc Cumarsáideach (T1)

Léargas Ginearálta	<p>Baineann MRB 2: An Tasc Cumarsáideach le cur i láthair beo a dhéanamh os comhair ranga. Is ar chumas labhartha agus idirghníomhaithe an scoláire a léiriú atá an bhéim. Tarlaíonn an obair ar fad do MRB 2 i ngnátham rangaí.</p> <p>Roghnaíonn an scoláire ábhar / topaic / saincheist ina bhfuil spéis aige. Tugann an scoláire faoi thaighde agus faoi ullmhúchán taobh istigh de thréimhse trí seachtaine. Déanann an scoláire an Tasc Cumarsáideach a chur i gcrích le tacaíocht agus treoir óna mhúinteoir. Ní mór na treoirlínte a léamh ag an nasc anseo.</p> <p>Is í úsáid laethúil agus leanúnach na teanga, mar aon le rannpháirtíocht rialta i ngníomhaíochtaí / dtascanna cumarsáide taitneamhacha laistigh agus lasmuigh den seomra ranga ón gcéad bhliain ar aghaidh, an t-ullmhúchán is éifeachtaí don Mheasúnú Rangbhunaithe seo.</p>	 						
Dátaí Tábachtacha do MRB 2 do Chohórt Scoláirí 2018–2021 (scoláirí an tríú bliain 2020/2021) 	<table border="1"><tr><td data-bbox="325 819 746 907">Dé hAoine, 12 Márta 2021</td><td data-bbox="746 819 1294 907">An dáta deiridh chun é a chur i gcrích</td></tr><tr><td data-bbox="325 907 746 994">Dé hAoine, 19 Márta 2021</td><td data-bbox="746 907 1294 994">An dáta deiridh ar a mbronnfaidh an múinteoir tuairiscíní sealadacha</td></tr><tr><td data-bbox="325 994 746 1218">Dé hAoine, 26 Márta 2021</td><td data-bbox="746 994 1294 1218">An dáta deiridh chun an tAthbhreithniú ar Fhoghlaim agus ar Mheasúnú Ábhair (AFMÁ) a chur i gcrích agus an dáta deiridh a mbronnfaidh an múinteoir tuairiscíní deiridh ar scoláirí</td></tr></table> <p>Lean an nasc anseo chun an doiciméad a léamh.</p>	Dé hAoine, 12 Márta 2021	An dáta deiridh chun é a chur i gcrích	Dé hAoine, 19 Márta 2021	An dáta deiridh ar a mbronnfaidh an múinteoir tuairiscíní sealadacha	Dé hAoine, 26 Márta 2021	An dáta deiridh chun an tAthbhreithniú ar Fhoghlaim agus ar Mheasúnú Ábhair (AFMÁ) a chur i gcrích agus an dáta deiridh a mbronnfaidh an múinteoir tuairiscíní deiridh ar scoláirí	
Dé hAoine, 12 Márta 2021	An dáta deiridh chun é a chur i gcrích							
Dé hAoine, 19 Márta 2021	An dáta deiridh ar a mbronnfaidh an múinteoir tuairiscíní sealadacha							
Dé hAoine, 26 Márta 2021	An dáta deiridh chun an tAthbhreithniú ar Fhoghlaim agus ar Mheasúnú Ábhair (AFMÁ) a chur i gcrích agus an dáta deiridh a mbronnfaidh an múinteoir tuairiscíní deiridh ar scoláirí							
Formáidí	<p>Bíonn saoirse ag an scoláire formáid a thaitníonn leis féin a roghnú. Bíonn béim ar an idirghníomhú cainte agus ar an labhairt i ngach formáid.</p> <p>Taispeántas - Léiríonn an scoláire píosa gairid a chum sé féin, dán, amhrán, píosa drámaíochta, scéal san áireamh.</p> <p>Cur i láthair - Roghnaíonn an scoláire ábhar spéise/ topaic/saincheist agus déanann sé cur i láthair faoi ag úsáid a rogha meán agus frapaí.</p> <p>Agallamh - Glacann an scoláire ról an agallóra agus / nó ról an fhreagróra.</p> <p>Comhrá mar fhreagairt ar ábhar spreagthach - Roghnaíonn an scoláire ábhar spreagthach .i. íomhá, téacs scríofa, píosa físe gairid, cluastéacs, a spreagann é chun dul i mbun cainte faoi</p> <p>Ról-imirt - Roghnaíonn an scoláire tabhairt faoi chás ról-imeartha, cás faoi leith a phlé (comhrá le cara, coinne a dhéanamh agus araile) nó ról duine eile a ghlacadh (agallóir teilifíse, réalta spóirt agus araile).</p> <p><i>Níl na formáidí teoranta dóibh sin a luaitear thuas. (T1: lch.19)</i></p> <p>Tá físeán de chuid CNCM ina bhfuil tuilleadh eolais ar na formáidí ar fáil anseo.</p>	 						

MRB 2: Samplaí de shaothar scoláirí ar shuíomh CNCM	Tá samplaí de shaothar scoláirí do MRB 2: An Tasc Cumarsáideach, T1, foilsithe ag CNCM ar an suíomh www.curriculumonline.ie . Chun teacht ar na samplaí, is gá logáil isteach le do chuntas chun na samplaí agus na nótaí tráchta ina leith a aimsiú. Cabhraíonn na nótaí tráchta le tuiscint an mhúinteora ar an gcaighdeán atá i gceist leis na Gnéithe Cailíochta a fhorbairt. Úsáid an nasc thíos chun teacht ar na samplaí: Samplaí de shaothar scoláirí MRB 2 T1 Ní mór uimhir Chomhairle Múinteoireachta a bheith agat chun cuntas a chruthú.	
Físghabhálacha Scáileáin 	Chun teacht ar a thuilleadh tacaíochta is féidir breathnú siar ar na físghabhálacha scáileáin seo a leanas atá ar fáil ar rannán Gaeilge an tsuímh gréasáin www.jct.ie <ul style="list-style-type: none">• MRB 2: An Tasc Cumarsáideach• MRB 2 & An Tasc Measúnaithe	
Obair aonair nó ghrúpa 	Bíonn rogha ag scoláirí obair ina n-aonar / i mbeirteanna nó i ngrúpaí, a fhad is atá ról cinnte ag gach uile dhuine sa ghrúpa. Déanfar measúnú ar gach scoláire mar dhuine aonair fiú más cur i láthair grúpa atá ann.	
Fad an Taisc 	Mar threoir, beidh idir trí agus ceithre nóiméad ag an scoláire an tasc cumarsáideach a chur i láthair an ranga, am do cheisteanna an mhúinteora (agus ionchur gairid comhscoláirí) san áireamh. Maidir le tasc beirte nó grúpa, ba chóir go mairfeadh an Tasc Cumarsáideach sách fada chun deis a thabhairt do gach scoláire ról fiúntach a bheith aige agus a chuid scileanna labhartha agus idirghníomhaithe a léiriú.	
Idirghníomhú Cainte 	Bíonn ar an scoláire <i>'freagairt d'ionchur a chomhscoláirí agus do cheisteanna an mhúinteora d'fhonn an tasc seo a chur i gcrích'</i> (Treoirlínte, T1: lch. 21). Mar a luaitear sna treoirlínte, tá an t-idirghníomhú ó bhéal agus an éisteacht lárnach anseo.	
An Litríocht mar Spreagthach do MRB 2 	Más spéis leis an scoláire tarraingt ar fhoinní litríochta mar spreagthach dá thopaic / shaincheist is féidir téacsanna ó liosta litríochta an dara / tríú bliain a úsáid agus / nó foinsí ón litríocht áitiúil / bhéil a úsáid. T1 Imlitir 0035/2018 & Imlitir 0068/2018	
An Nóta Machnamhach do MRB 2 	Tabharfaidh an scoláire cuntas ar a ról féin sa tasc sa nóta seo agus ar an ábhar nó na foinsí a d'úsáid sé agus é ag ullmhú don tasc. Déanann an scoláire cur síos ar na rudaí a chuidigh leis agus é ag ullmhú don tasc, na rudaí a d'fhoghlaim sé faoin teanga agus é ag tabhairt faoin tasc agus gné amháin a thuigeann sé go gcaithfidh sé díriú isteach uirthi anois. Is gá do gach scoláire a nóta machnamhach féin a líonadh isteach fiú má tá sé ag comhoibriú le scoláire eile nó le grúpa scoláirí ar an tasc seo. Tá an teimpléad do MRB 2 éagsúil ón teimpléad do MRB 1 agus tá sé ar fáil sna treoirlínte. (T1: lch. 31)	

Pleanáil	<p>Smaoiníonn an scoláire ar na nithe seo a leanas agus é ag machnamh ar an ábhar a roghnóidh sé:</p> <ul style="list-style-type: none">• An bhfuil spéis agam san ábhar seo?• Conas a éireoidh liom spéis an spriocghrúpa (mo chomhscoláirí agus mo mhúinteoir) a mhealladh agus mé i mbun cumarsáide?• An bhfuil mé in ann cloí leis an am atá ar fáil dom chun mo chur i láthair a dhéanamh? <p>Moltar ‘Comhairle don scoláire’ (T1: lgh. 23+24) a chur ar fáil do scoláirí agus a phlé leo sa rang le cinntiu go bhfuil siad soiléir faoina bhfuil i gceist.</p>	
Fócas ar thrí scil	<p>Ba chóir na Gnéithe Cáilíochta do MRB 2 (<i>Treoirlínte don Mheasúnú Rangbhunaithe agus don Tasc Measúnaithe T1</i>: lgh. 25) a phlé leis na scoláirí le linn na tréimhse seoⁱⁱ chun treoir agus tacaíocht a thabhairt dóibh roimh ré.</p> <p>Sa mheasúnú ar an Tasc Cumarsáideach, díreann ar thrí scil i leith na cumarsáide: caighdeán na cumarsáide: saibhreas teanga, luas nádúrtha agus fuaimniú san áireamh; tuiscint ar an spriocghrúpa / lucht éisteachta, ag labhairt agus ag freagairt dóibh; feasacht agus tuiscint ar phatrúin agus ar chomhréir na teanga, a bheith airdeallach ar thionchar an Bhéarla agus tabhairt faoin bhféincheartú nuair agus mar is gá.</p>	
Athbhreithniú ar Fhoghlaim agus ar Mheasúnú Ábhair (AFMÁ) 	<p>Chun tacú libh ullmhú don chruinniú Athbhreithniú ar Fhoghlaim agus ar Mheasúnú Ábhair (AFMÁ), is féidir breathnú (siar) ar na físghabhálacha scáileáin seo a leanas atá ar fáil ar rannán Gaeilge an tsuímh gréasáin SSM www.jct.ie.</p> <ul style="list-style-type: none">• MRB 2: An Tasc Cumarsáideach• MRB 2 & An Tasc Measúnaithe• Cur Chuige don Chruinniú AFMÁ	
Tuairisciú	<p>Úsáidtear tuairiscíní chun gnóthachtáil sa MRB a thuairisciú do thuismitheoirí / chaomhnóirí agus don scoláire mar chuid de nósanna imeachta tuairiscithe leanúnacha na scoile agus trí Phróifíl Ghnóthachtála na Sraithe Sóisearaí. (T1: lgh. 27)</p>	

Is doiciméad eolais idirghníomhach atá anseo agus ní ghlacann sé áit na dTreoirlínte don Mheasúnú Rangbhunaithe agus don Tasc Measúnaithe.

Tá an fhéidearthacht ann go ndéanfar leasuithe ar chuid den ábhar a aimsítear trí na hipearnaisc.

ⁱ Cohórt Scoláirí 2018–2021 (scoláirí an tríú bliain)

Cé gur ceapadh Measúnuithe Rangbhunaithe le bheith ar siúl faoi threoir an mhúinteora i gcomhthéacs an tseomra ranga, tá solúbthacht ag scoileanna sa scoilbhliain 2020/21, i bhfianaise cúinsí athraitheacha a d’fhéadfadh teacht chun cinn mar gheall ar COVID-19, chun tacú leis an scoláire Measúnuithe Rangbhunaithe a dhéanamh ar scoil agus/nó go cianda.

ⁱⁱ Tréimhse trí seachtaine de réir an tráthchláir náisiúnta a fhoilsítear ar líne ar shuíomh CNM